



**Minneapolis Lub Tuam Tsev Hauj Lwm  
Ntsig Txog Tub Ceev Xwm  
Phau Ntawv Qhia Siv Txoj Cai thiab Txheej  
Txheem**

Tus Nab Npawb Xov  
Tooj:  
10-200

**Xuv Kaum - Cov Kev Tshawb Xyuas**

**Cov Txheej Txheem Kev Tshawb Xyuas**

**10-215 Kev Raug Txeeb Fab Kev Tswj Hauv Xeev**  
(State Administrative Forfeiture) (03/01/11) (xx/xx/23)

**I. Lub Hom Phiaj**

Txoj Cai MN tshooj 609.531 teeb tseg kom MPD tsim thiab yuam siv txoj cai uas sau ua ntaub ua ntawv txhawm rau qhia cov kev siv uas zoo tshaj plaws rau kev raug txeeb (forfeiture) thiab ua kom ntseeg siab tias muaj kev siv cov cai lij choj tib yam nyob thoob plaws xeev.

**II. Txoj Cai**

- A.** Txoj cai ntawm Minneapolis Lub Tuam Tsev Hauj Lwm Ntsig Txog Tub Ceev Xwm (Minneapolis Police Department, MPD) teeb tseg kom txhua cov neeg ua hauj lwm ntawm MPD, txhua cov neeg ua hauj lwm MPD siv lwm lub chaw sawv cev yuam siv kev cai lij choj tub ceev xwm txoj hauj lwm thiab txhua cov neeg ua hauj lwm tau muab los ntawm lub chaw sawv cev yuam siv kev cai lij choj sab nrauv rau tub ceev xwm txoj hauj lwm uas MPD muab kev pab cuam tam li yog tus sawv cev fab nyiaj txiag, yuav ua raws li txhua cov cai lij choj ntawm xeev thiab tsoom fwv hais txog kev lis hauj lwm txog qhov khoom uas raug ywv txhawm rau kev raug txeeb.
- B.** MPD yuav muab kev cob qhia nyob rau hauv kev sib sab laj nrog tus neeg muaj cai foob rau cov tub ceev xwm uas tej zaum yuav siv kev txeeb fab kev tswj nyob rau hauv kev ua lawv cov luag hauj lwm uas tau muab cob. Qhov kev cob qhia uas tau hais los ntawd yuav ua thaum twg los xij raws li txoj cai MPD muaj kev hloov pauv los sis kho saib raws li cov lus txib kev kav tswj, kev hloov pauv txoj cai kev tswj fab kev caij lij choj thiab/los sis cov kev txiav txim ntawm tsev hais plaub uas cuam tshuam. Tej zaum qhov kev cob qhia yuav suav nrog, tab sis tsis tas rau: Txoj cai MPD, cov lus txib, kev kawm hauv chav kawm hauv es les taus niv los sis li ib txwm.

**III. Cov Ntsiab Lus**

**Nyiaj ntsuab:** Cov nyiaj nyob rau tus qauv kev sau nqi los sis cov nyiaj npib, tus neeg ntoj ncig cov tshev, cov ntawv sau nyiaj, cov tshev los sis lwm cov qauv nyiaj hauv es les taus niv los sis cov npav nyiaj uas tau khaws cia, uas suav nrog tab sis tsis tas rau cov npav khoom nplig, cov npav des npiv, cov npav khoom nplig/cov ntawv pov thawj los sis lwm cov ntaub ntawv fab nyiaj txiag uas tuaj yeem sib tham tau. Tsis suav nrog cov tshev ntiag tug.

**Qhov Cuab Yeej Kev Thauj Mus Los:** Qhov cuab yeej siv rau kev thauj mus los thiab suav nrog, tab sis tsis tas rua, lub tsheb mos taus, lub tsheb kauj vab, lub tsheb khiav saum daus, dav hlau thiab nkoj thiab tej qhov cuab yeej uas tau muab rhais nrog nws. Lo lus "lub cuab yeej kev thauj mus los" tsis suav nrog qhov khoom, uas, muaj tseeb, kev nyiaj tus kheej los sis tau kev yuam txoj cai lij choj.

**Cov phom/mos txwv/cov cuab yeej nruab ntxiv rau hauv rab phom:** Qhov cuab yeej uas ua rau tib lub los sis ntau lub mos txwv ya yam uas ceev heev. Lub mos txwv yog ib nqi lus uas txhais tias yog kev nruab lub mos txwv foobpob loj thiab cov khoom siv tua tshoom lub mos txwv foobpob loj.. Cov cuab yeej nruab ntxiv suav nrog tab sis tsis tas rau cov hnab looj tes, cov hnab phom, cov tsom iav phom, cov cuab yeej tiv thaiv, cov cuab yeej tu huv, thiab lwm yam ntxiv.

**Kev Raug Txeeb (Forfeiture):** Cov txheej txheem kev hloov kev ua tswv qhov khoom uas raug raws cai lij choj rau nom tswv los sis lwm lub chaw.

**Tus Tshab Xyuas Qhov Khoom Uas Raug Txeeb/Raug Ywv:** MPD tus neeg ua hauj lwm muaj lub luag hauj lwm rau kev tshab xyuas txhua cov xwm txheej kev raug txeeb thiab yog kev sib tham ncu ntawm MPD thiab tus neeg teem txim lub chaw ua hauj lwm.

**Daim foos Kev Xa Kev Raug Txeeb:** Daim foos uas tau tso cai los ntawm tsab cai ntawm xeev, tau ua tiav los ntawm cov tub ceev xwm thiab tau xa rau Tus Tshab Xyuas Qhov Khoom Uas Raug Txeeb/Raug Ywv.

**Daim foos Daim Ntawv Ceeb Toom Txog Kev Ywv thiab Kev Txhob Txwm Txeeb Qhov Khoom:** Daim foos uas tau ua tiav los ntawm cov tub ceev xwm nyob rau lub sij hawm ywv qhov khoom; raug faib tawm raws li qhia nyob rau hauv daim foos. Daim foos Daim Ntawv Ceeb Toom Txog Kev Ywv thiab Kev Txhob Txwm Txeeb Qhov Khoom yog muaj rau cov kev ywv uas tau ua tshwj xeeb rau: Kev Ua Txhaum Fab Yeeb Tshuaj Uas Tau Tswj, Kev Ua Hauj Lwm Uas Tsis Ua Raws Cai, Kev Ua Niam Ntiav, Tsav Tsheb Dhau thiab Tua Phom thiab Khiav Ntawm Tus Tub Ceev Xwm.

**Saw Nyiaj Saw Kub, Cov Tooj Hlau Uas Muaj Nuj Nqis/Cov Pob Zeb Uas Muaj Nuj Nqis:** Lo lus "cov tooj hlau uas muaj nuj nqi/cov pob zeb uas muaj nuj nqi" suav nrog cov khoom ntawm saw nyiaj saw kub xws li plaib, saw caj dab thiab moo coj ntawm tes uas muaj zoo laj thawj thoog raws li qhov tau ua ntawm cov tooj hlau uas muaj nuj nqis los sis cov pob ze uas muaj nuj nqis. Cov tooj hlau uas muaj nuj nqi suav nrog tab sis tsis tas rau kub, nyiaj, cov tooj hlau dawb uas muaj nuj nqis (platinum), nyiaj (iridium) thiab nyiaj choj (palladium). Cov pob zeb uas muaj nuj nqis, hu ua pob zeb kub, suav nrog tab sis tsis tas rau cov kub uas muaj nuj nqis (diamonds), pob zeb kub ci (emeralds), cov pob zeb kub ntshuab (emeralds) thiab cov pob zeb kub liab (rubies).

**Daim foos Cov Ntaub Ntawv Qhov Khoom:** Daim foos uas tau ua tiav raws li cov ntaub ntawv qhov khoom nyob ntawm Qhov Khoom thiab Qhov Pov Thawj. Daim theej tawm qub tau ceev los ntawm Qhov Khoom thiab Qhov Pov Thawj.

**Daim foos Cov Ntaub Ntawv Tau Txais Qhov Khoom:** Daim foos uas muaj peb daim theej tawm uas tau ua tiav los ntawm cov tub ceev xwm nyob rau lub sij hawm ywv qhov khoom; raug faib tawm raws li qhia nyob rau hauv daim foos.

**Kev Ywv:** Qhov kev nqis tes ntawm tub ceev xwm yuav siv kev cai lij choj uas ywv qhov khoom, uas suav nrog nyiaj ntsuab, cov tsheb, thiab lwm yam ntxiv uas raug siv hais txog kev sib txuas nrog los sis tau txais los ntawm cov kev ua ub ua no uas txhaum cai lij choj.

#### IV. Cov Txheej Txheem/Cov Kev Cai

##### A. Kev Ua Txhaum Fab Yeeb Tshuaj Uas Tau Tswj

1. Qhov txuas mus no nce rau kev raug txeeb nyob rau hauv Txoj Cai MN tshooj 609.5314 Kev Raug Txeeb Fab Kev Kav Tswj Ntawm Qee Qhov Khoom Uas Tau Yws hais txog Kev Sib Txuas Nrog Kev Ywv Cov Yeeb Tshuaj Uas Tau Tswj:
  - a. Txhua qhov nyiaj uas xam tag nrho \$1,500 los sis ntau tshaj ntawd, cov tooj hlau muaj nuj nqis, thiab cov pob zeb muaj nuj nqis uas muaj laj thawj ntseeg tau tias yog cov nyiaj ntawm kev ua txhaum cai hais txog yeeb tshuaj uas tau tswj;
  - b. Txhua cov nyiaj uas nrhiav pom muaj ze rau cov yeeb tshuaj uas tau tswj thaum muaj laj thawj uas yuav ntseeg tias tau sib pauv qhov nyiaj rau kev yuav qhov yeeb tshuaj uas tau tswj;
  - c. Txhua cov cuab yeej kev thauj mus los uas muaj cov yeeb tshuaj uas tau tswj uas muaj tus nqi txhem muag &100 los sis ntau tshaj ntawd yog tias muaj laj thawj uas yuav ntseeg tias qhov cuab yeej kev thauj mus los raug siv nyob rau hauv kev thauj mus los sis kev sib pauv qhov yeeb tshuaj tau tswj uas muaj cia txhawm rau faib tawm los sis muag.
  - d. Txhua cov phom, mos txwv thiab cuab yeej nruab ntxiv rau phom uas tau nrhiav pom:
    - i. nyob rau hauv cuab yeej kev thauj mus los uas siv los sis muaj hom phiaj rau kev siv los nqis tes ua los sis pab kev yooj yim rau kev ua txhaum cai uas cuam tshuam rau qhov yeeb tshuaj uas tau tswj;
    - ii. nyob rau hauv los sis nyob ze rau tus neeg uas raug ywv qhov yeeb tshuaj uas tau tswj qhov kev ua txhaum; los sis
    - iii. nyob rau qhov chaw uas muaj kev ywv qhov yeeb tshuaj uas tau tswj thiab nyob ze rau qhov yeeb tshuaj uas tau tswj, yog tias muaj los sis muag qhov yeeb tshuaj uas tau tswj yuav yog kev txhaum cai nyob rau hauv Txoj Cai MN Tshooj 152.
2. Thaum muaj kev ywv tej qhov khoom raws li tau piav qhia nyob rau tshooj saum toj no, ces tus tub ceev xwm saib xyuas kev thaj yeeb yuav ua kev ywv yuav tsum npaj cov ntaub ntawv txuas mus no rau txhua tej tug neeg uas raug ywv qhov khoom los ntawm:

- Daim foos “Daim Ntawv Ceeb Toom Txog Kev Ywv Thiab Kev Txhob Txwm Txeeb Qhov Khoom- Cov Tshuaj Txhaum Cai Uas Tau Tswj”. Yuav tsum ua kom tiav daim foos no suav nrog cov txuas mus no:
    - daim npe uas piav qhia txhua tej yam khoom uas raug hww
    - lub npe ntawm tus neeg uas muab kev pab cuam nrog rau Daim Ntawv Tshaj Tawm
    - qhov chaw txeeb
    - hnuv tim ywv tau
    - Tus nab npawb rooj plaub ntawm MPD
    - kos npe, hnuv tim, thiab qhov chaw uas muaj kev ceeb toom qhia paub (tau sau los ntawm tus tub ceev xwm saib xyuas kev thaj yeeb uas ua qhov kev ywv).
  - Daim Foos Cov Ntaub Ntawv Tau Txais Qhov Khoom. Yuav tsum ua kom tiav daim foos no nyob rau hauv daim ntawv qhia meej tseeb kom txhua nrho. (Dhau ntawm Nplood 5, yog muaj.)
  - Daim Foos Kev Xa Kev Raug Txeeb. Yuav tsum ua kom tiav daim foos no nyob rau hauv daim ntawv qhia meej tseeb kom txhua nrho. Cim Tseg: Daim ntawv tshaj tawm kev ua pov thawj tsis txaus.
  - Daim Ntawv Tshaj Tawm Ntawm Tub Ceev Xwm thiab qhov lus piav qhia uas piav qhia lub laj thawj rau kev ywv suav nrog hom thiab qhov sib hnyav ntawm qhov yeeb tshuaj uas tswj thiab qhov tshwm sim tawm los ntawm kev kuaj qhov khoom. (Saib ntxiv, ***H. Kev Raug Txeeb Fab Kev Kav Tswj - Cov Cai Teeb Tseg Rau Kev Sau Daim Ntawv Tshaj Tawm***)
3. Tus neeg uas raug ywv qhov khoom yuav tsum tau txais lub hww tsam los tso npe rau hauv daim foos ceeb toom txog kev ywv.
    - Yog tias tus neeg tsis kam lees, ces tus tub ceev xwm saib xyuas kev thaj yeeb uas ua qhov kev ywv yuav tsum kos cim rau lub npov uas phim uas qhia pom txog qhov tsis kam tso npe.
  4. Daim theej tawm ntawm daim foos Daim Ntawv Ceeb Toom Txog Kev Ywv Thiab Kev Txhob Txwm Txeeb Qhov Khoom Cov Kev Ua Txhaum Fab Yeeb Tshuaj Uas Tau Tswj thiab daim theej tawm ntawm Daim Ntawv Tau Txais Qhov Khoom yuav tau muab rau txhua tej tug neeg uas muab kev pab cuam.
    - e. Yog tias muaj kev ywv qhov khoom los ntawm ntau cov neeg, ces ntau cov foos yuav raug ua kom tiav rau txhua tej tug neeg.
  5. Txhua qhov khoom nce rau thiab raug lis rau kev txeeb los ntawm MPD yuav tsum tau tuav nyob rau hauv kev saib xyuas ntawm MPD.

6. Tus tub ceev xwm uas ua qhov kev ywv yuav xa txuas ntxiv rau Tus Neeg Tshab Xyuas Qhov Khoom Uas Raug Txeeb/Raug Ywv kom tsis pub dhau 5 hnuv tom qab ywv:
  - Daim foos Daim Ntawv Ceeb Toom Txog Kev Ywv Thiab Kev Txhob Txwm Txeeb Qhov Khoom Kev Ua Txhaum Fab Yeeb Tshuaj Uas Tau Tswj (cov theej tawm qub thiab cov theej tawm ua xim paj yeeb)
  - Daim foos Cov Ntaub Ntawv Tau Txais Qhov Khoom (cov theej tawm qub thiab cov theej tawm ua xim paj yeeb)
  - Daim foos Kev Xa Kev Raug Txeeb
7. Tus tub ceev xwm saib xyuas kev thaj yeeb uas ua qhov kev ywv yuav ceeb toom qhia rau Tus Tshab Xyuas Qhov Khoom Uas Raug Txeeb/Raug Ywv paub txog tus nqi txhem muag uas tau khwv yees ntawm cov yeeb tshuaj uas tau nrhiav pom nyob ze rau qhov khoom uas raug ywv.
8. Kev Ywv qhov khoom uas tsis tau teev tseg saum toj no ces yuav tsum raug lis, raug tshab xyuas thiab tau txais kev pom zoo los ntawm tus thawj coj saib xyuas hauj lwm ntawm lub chaw.
9. Tus Tshab Xyuas Qhov Khoom Uas Raug Txeeb/Raug Ywv yuav xa txuas ntxiv txhua cov kev hloov pauv rau qib kev txeeb rau tus thawj coj saib xyuas hauj lwm uas pib rooj plaub.

**B. Cov Nyiaj Ntsuab nyob rau hauv Cov Kev Ua Txhaum Fab Yeeb Tshuaj Uas Tau Tswj**

1. Qhov nyiaj ntsuab yuav tsis raug ywv yog tias nws muaj tus nqi xam tag nrho tsawg tshaj \$300.00 tshwj tsis yog cov peev nyiaj yuav uas tau sau tseg ua ntej yuav suav nrog qhov nyiaj ntsuab uas tau ywv.
2. Cov tub ceev xwm yuav ntsuam xyuas txhua qhov nyiaj ntsuab uas ywv txhawm rau txiav txim seb nws puas muaj tej cov peev nyiaj yuav. Thaum tau khaws cov nyiaj yuav rov qab:
  - a. Luam cov nyiaj uas muab tau rov qab los thiab sau qhia cov khoom hauv daim ntawv luam khaws cia.
  - b. Xa cov peev nyiaj yuav uas tau khaws rov qab rau tus as khauj peev nyiaj yuav ntawm lub chaw uas phim.
  - c. Teev ntawv tseg cia rau hauv Tub Ceevxwm cov ntawv qhia uas nyob rau CCN tias twb muab tau cov nyiaj rov qab los lawm..
3. Yuav tau rov qab suav qhov nyiaj ntsuab thiab qhov nyiaj yuav tau txheeb xyuas los ntawm lwm tus neeg ua hauj lwm ntawm MPD. Lub hnab ntim qhov nyiaj ntsuab thiab/los sis daim tw ntawv qhia cov khoom yuav tsum muaj ib tug neeg kos npe ntxiv.

- Yog tias pom muaj qhov zoo tsis sib xws, daim foos Daim Ntawv Ceeb Toom Txog Kev Txhob Txwm Txeeb Qhov Khoom Cov Kev Ua Txhaum Fab Yeeb Tshuaj Uas Tau Tswj thiab yuav tsum tau rov qab tawm daim foos Daim foos Cov Ntaub Ntawv Tau Txais Qhov Khoom.

4. Txhua qhov nyiaj ntsuab uas ywv yuav raug khaws tseg nyob ntawm Qhov Khoom thiab Qhov Pov Thawj raws li P&P 10-401 Qhov Khoom thiab Qhov Pov Thawj.
  - a. Daim foos Cov Ntaub Ntawv Qhov Khoom yuav sau qhov nyiaj xam tag nrho uas tau ywv los ntawm txhua tej tug neeg.
  - b. Daim foos Cov Ntaub Ntawv Qhov Khoom los kuj yuav muaj qhov lus piav qhia uas meej tseeb txog txhua cov tshev, cov ntawv sau nyiaj thiab/los sis cov tshev ntawm cov neeg ntoj ncig los sis lwm cov ntaub ntawv fab nyiaj txiag.

**C. Qhov Khoom Tsis Yog Qhov Nyiaj Ntsuab nyob rau hauv Cov Kev Ua Txhaum Fab Yeeb Tshuaj Uas Tau Tswj**

1. Saw nyiaj saw kub, cov tooj hlau uas muaj nuj nqis thiab/los sis cov pob zeb uas muaj nuj nqis uas tau ywv yuav yog qhov khoom uas khaws tseg cia nyob ntawm chav qhov khoom/qhov pov thawj raws li P&P 10-401 Qhov Khoom thiab/los sis Qhov Pov Thawj.
2. Kev Txeeb Qhov Cuab Yeej Kev Thauj Mus Los
  - a. Thaum muaj kev ywv txhawm rau txeeb, ces yuav tau coj txhua cov cuab yeej kev thauj mus los mus rau cheeb tsam uas tau teeb tseg uas muaj kev ruaj ntseg los sis mus rau qhov chaw txeeb cia uas tau txais kev pom zoo ntawm MPD.
  - b. Cov tub ceev xwm yuav khaws tseg qhov cuab yeej kev thauj mus los thiab nws cov ntsiab lus raws li cov cai MPD uas siv tau.
  - c. Yog tias tus kws tsav tsheb, uas tau txais daim ntawv ceeb toom txog kev ywv, tsis yog tus tswv uas tau sau npe raws li MN DVS, Tus Tshab Xyuas Qhov Khoom Uas Raug Txeeb/Raug Ywv yuav xa daim ntawv ceeb toom txog kev ywv rau tus tswv uas tau sau npe los ntawm kev xa ntawv uas tau txais kev ua pov thawj kom tsis pub dhau 60 hnub tom qab kev ywv, raws li Txoj Cai MN tshooj 169A.63 Subd. 8(b) Kev Txeeb Lub Tsheb, Tus Txheej Txheem Kev Txeeb Fab Kev Kav Tswj.
3. Cov phom, mos txwv los sis cov cuab yeej nruab phom yuav yog qhov khoom uas tau khaws tseg cia raws li P&P 10-401 Qhov Khoom thiab Qhov Pov Thawj.

**D. Kev Txeeb Lub Tsheb Rau Kev Ua Poj Laib Niam Ntiav**

1. Cov tsheb yuav raug txeeb nyob rau hauv Txoj Cai MN tshooj 609.5312 Subd. 3 (Kev txeeb lub tsheb rau cov kev ua txhaum fab kev ua poj laib niam ntiav) yog tias lub tsheb raug siv los nqis tes ua los sis kev pab kev yooj yim, los sis siv nyob rau ncuaj sij hawm

kev ua txhaum cai ntawm Txoj Cai MN tshooj 609.324 Cov Neeg Txhawb Nqa; Cov Niam Ntiav; Cov Neeg Nyob Rau Hauv Lub Tsev Uas Siv Lub Cev Ua Niam Ntiav; Cov Kev Raug Nplua.

2. Kev ywv lub tsheb nyob rau hauv kev ua txhaum fab kev ua poj laib niam ntiav tej zaum yuav raug ywv tsuas yog thaum muaj tus tswv tsheb uas tau sau npe xwb.
3. Thaum muaj kev ywv lub tsheb rau fab kev ua poj laib niam ntiav, tus tub ceev xwm saib xyuas kev thaj yeeb yuav ua qhov kev ywv yuav tsum ua kom tiav daim foos "Kev Ntes Fab Kev Ua Poj Laib Niam Ntiav Daim Ntawv Ceeb Toom Txog Kev Ywv Lub Tsheb Mos Taus". Yuav tsum sau kom tiav daim foos no txhij txhua thiab tawm tam sim ntawd.
4. Tus neeg uas raug ywv qhov khoom yuav tsum tau txais lub hwv tsam los tso npe rau hauv daim foos ceeb toom txog kev ywv.
  - Yog tias tus neeg tsis kam lees, ces tus tub ceev xwm saib xyuas kev thaj yeeb uas ua qhov kev ywv yuav tsum lees paub nyob rau hauv daim foos, kev tsis kam los sau npe.
5. Daim foos yuav tsum tau faib tawm tam sim raws li tau qhia nyob rau hauv daim foos vim yog tus tswv lub tsheb muaj cai taug xyuas kev ncaj ncees kom tsis pub dhau 96 teev, rau Txoj Cai MN tshooj 609.5312 Subd 3(b) Kev Txeeb Qhov Khoom Uas Cuam Tshuam Nrog Rau Cov Kev Ua Txhaum Uas Tau Teeb Tseg, Kev Txeeb Lub Tsheb Rau Kev Ua Txhaum Fab Kev Ua Poj Laib Niam Ntiav.
  - (Fax) Fev rau lub chaw ua hauj lwm ntawm Tus Kws Lij Choj Ntawm Lub Nroog Minneapolis
  - (Fax) Fev rau Minneapolis Qhov Khoom thiab Qhov Pov Thawj
  - Daim theej tawm xim dawb rau Tus Tshab Xyuas Qhov Khoom Uas Raug Txeeb/Raug Ywv:
  - Daim theej tawm xim daj rau tus tswv lub tsheb uas tau sau npe
6. Yog tias tus kws tsav tsheb, uas tau txais daim ntawv ceeb toom txog kev ywv, tsis yog tus tswv uas tau sau npe raws li MN DVS, Tus Tshab Xyuas Qhov Khoom Uas Raug Txeeb/Raug Ywv yuav xa daim ntawv ceeb toom txog kev ywv rau tus tswv uas tau sau npe los ntawm kev xa ntawv uas tau txais kev ua pov thawj raws li Txoj Cai MN tshooj 169A.63 Subd. 8(b) Kev Txeeb Lub Tsheb, Tus Txheej Txheem Kev Txeeb Fab Kev Kav Tswj.

#### **E. Kev Txeeb Lub Tsheb Rau Qhov Haus Caw T (DUI)**

1. Cov tsheb yuav raug txeeb nyob rau hauv Txoj Cai MN tshooj 169A.63 Subd 2 Kev Txeeb Lub Tsheb, Qhov xwm txheej kev ywv txhawm rau kev ntes uas raug raws cai lij choj rau kev ua txhaum cai kev haus dej haus cawv thiab kev tsav tsheb uas tau teeb tseg.

2. Thaum muaj kev ywv lub tsheb rau kev ua tsis raws cai, ces tus tub ceev xwm saib xyuas kev thaj yeeb yuav ua qhov kev ywv yuav tsum ua kom tiav daim foos "Kev Ua Hauj Lwm Uas Ua Tsis Raws Cai - Daim Ntawv Ceeb Toom Txog Kev Txeeb Lub Tsheb Fab Kev Kav Tswj" Yuav tsum sau kom tiav daim foos no txhij txhua.
3. Tus neeg uas raug ywv qhov khoom yuav tsum tau txais lub hwv tsam los tso npe rau hauv daim foos ceeb toom txog kev ywv.
  - Yog tias tus neeg tsis kam lees, ces tus tub ceev xwm saib xyuas kev thaj yeeb uas ua qhov kev ywv yuav tsum lees paub nyob rau hauv daim foos, kev tsis kam los sau npe.
4. Yuav tau faib tawm daim foos raws li qhia nyob rau hauv daim foos.
  - Daim theej tawm ua Xim Dawb thiab ua Xim Paj Yeeb rau Tus Tshab Xyuas Qhov Khoom Uas Raug Txeeb/Raug Ywv
  - Daim theej tawm xim daj rau tus tsav lub tsheb
5. Yog tias tus kws tsav tsheb, uas tau txais daim ntawv ceeb toom txog kev ywv, tsis yog tus tswv uas tau sau npe raws li MN DVS, Tus Tshab Xyuas Qhov Khoom Uas Raug Txeeb/Raug Ywv yuav xa daim ntawv ceeb toom txog kev ywv rau tus tswv uas tau sau npe los ntawm kev xa ntawv uas tau txais kev ua pov thawj raws li Txoj Cai MN tshooj 169A.63 Subd. 8(b) Kev Txeeb Lub Tsheb, Tus Txheej Txheem Kev Txeeb Fab Kev Kav Tswj.

#### **F. Kev Txeeb Lub Tsheb Rau Thaum Tsav Tsheb Khiav**

1. Cov tsheb yuav raug txeeb nyob rau hauv Txoj Cai MN tshooj 609.5312 Kev Txeeb Qhov Khoom Uas Cuam Tshuam Rau Cov Kev Ua Txhaum Uas Tau Teeb Tseg yog tias lub tsheb raug siv los nqis tes ua los sis pab kev yooj yim, los sis siv nyob rau ncuaj sij hawm kev ua txhaum txoj cai ntawm Txoj Cai MN tshooj 609.487 Kev Khiav Ntawm Tub Ceev Xwm Saib Xyuas Kev Thaj Yeeb; Lub Tsheb Maus Taus; Lwm Yam.
2. Thaum muaj kev ywv lub tsheb rau kev khiav ntawm tub ceev xwm saib xyuas kev thaj yeeb, tub ceev xwm saib xyuas kev thaj yeeb uas ua qhov kev ywv yuav tsum ua kom tiav daim foos "Daim Ntawv Ceeb Toom Txog Kev Ywv Lub Tsheb Mos Taus Kev Khiav Ntawm Tub Ceev Xwm Saib Xyuas Kev Thaj Yeeb". Yuav tsum sau kom tiav daim foos no txhij txhua thiab tawm tam sim ntawd.
3. Tus neeg uas raug ywv qhov khoom yuav tsum tau txais lub hwv tsam los tso npe rau hauv daim foos ceeb toom txog kev ywv.
  - Yog tias tus neeg tsis kam lees, ces tus tub ceev xwm saib xyuas kev thaj yeeb uas ua qhov kev ywv yuav tsum lees paub nyob rau hauv daim foos, kev tsis kam los sau npe.



4. Daim foos yuav tsum tau faib tawm tam sim raws li tau qhia nyob rau hauv daim foos vim yog tus tswv lub tsheb muaj cai taug xyuas kev ncaj ncees kom tsis pub dhau 96 teev, rau Txoj Cai MN tshooj 609.5312 Subd 4(b) Kev Txeeb Qhov Khoom Uas Cuam Tshuam Rau Cov Kev Ua Txhaum Uas Tau Teeb Tseg, Kev Txeeb Lub Tsheb Rau Kev Khiav Ntawm Tub Ceev Xwm Saib Xyuas Kev Thaj Yeeb.
  - Fev rau lub chaw ua hauj lwm ntawm Tus Kws Lij Choj Ntawm Hennepin Khauj Tim
  - Fev rau Tus Tshab Xyuas Qhov Khoom Uas Raug Txeeb/Raug Ywv
  - Daim theej tawm rau tus tsav lub tsheb
5. Yog tias tus kws tsav tsheb, uas tau txais daim ntawv ceeb toom txog kev ywv, tsis yog tus tswv uas tau sau npe raws li MN DVS, Tus Tshab Xyuas Qhov Khoom Uas Raug Txeeb/Raug Ywv yuav xa daim ntawv ceeb toom txog kev ywv rau tus tswv uas tau sau npe los ntawm kev xa ntawv uas tau txais kev ua pov thawj raws li Txoj Cai MN tshooj 169A.63 Subd. 8(b) Kev Txeeb Lub Tsheb, Tus Txheej Txheem Kev Txeeb Fab Kev Kav Tswj.

#### **G. Kev Txeeb Lub Tsheb Rau Kev Tsav Tsheb Dhau thiab Tua Phom**

1. Tej zaum cov tsheb yuav raug ywv thiab raug xam tias nyog nyob rau hauv Txoj Cai MN tshooj 609.5318 Subd Kev Txeeb Cov Tsheb Uas Siv Nyob Rau Hauv Kev Tsav Tsheb Tua yuav nce rau kev txeeb fab kev kav tswj yog tias lub tsheb raug siv los ua qhov kev nqis tes los sis pab kev yooj yim, los sis siv nyob rau ncuaj sij hawm kev ua txhaum cai ntawm Txoj Cai MN tshooj 609.66 Subd. 1(e) Cov Riam Phom Uas Muaj Kev Phom Sij, Kev Ua Phem; Kev Tsav Tsheb Dhau thiab Tua Phom.
2. Thaum lub tsheb raug txeeb vim muaj kev tua phom hauv tsheb, tus tub ceev xwm saib xyuas kev thaj yeeb yuav tsum daim foos "Daim Ntawv Ceeb Toom Txog Kev Ywv Lub Tsheb Mos Taus Uas Siv Nyob Rau Hauv Kev Tsav Tsheb Tua - Cov Tsheb Uas Siv Nyob Rau Hauv Kev Ua Txhaum ntawm Txoj Cai NM Tshooj 609.66 Subd. 1(e)". Yuav tsum sau kom tiav daim foos no txhij txhua.
3. Yuav tau faib tawm daim foos raws li cov hauv qab no:
  - Daim theej tawm ua xim dawb thiab ua xim paj yeeb rau Tus Tshab Xyuas Qhov Khoom Uas Raug Txeeb/Raug Ywv
  - Daim theej tawm xim daj rau tus tsav lub tsheb
4. Yog tias tus kws tsav tsheb, uas tau txais daim ntawv ceeb toom txog kev ywv, tsis yog tus tswv uas tau sau npe raws li MN DVS, Tus Tshab Xyuas Qhov Khoom Uas Raug Txeeb/Raug Ywv yuav xa daim ntawv ceeb toom txog kev ywv rau tus tswv uas tau sau npe los ntawm kev xa ntawv uas tau txais kev ua pov thawj raws li Txoj Cai MN tshooj 169A.63 Subd. 8(b) Kev Txeeb Lub Tsheb, Tus Txheej Txheem Kev Txeeb Fab Kev Kav Tswj.

## H. Cov Cai Teeb Tseg Rau Kev Sau Daim Ntawv Tshaj Tawm

1. Tus Tub Ceev Xwm/Tus Neeg Tshawb Xyuas uas txeeb ywv qhov khoom yuav sau tseg nyob rau hauv Daim Ntawv Tshaj Tawm Ntawm Tub Ceev Xwm los ntawm qhov lus sau piav qhia nyob rau hauv CCN uas phim.
2. Cov ntaub ntawv yuav tsum suav nrog qhov lus piav qhia ntawm:
  - cov khoom uas raug ywv,
  - qhov chaws uas khaws cov khoom cia,
  - lub npe ntawm tus neeg uas muab kev pab cuam,
  - hnuv tim muab kev pab cuam rau daim foos kev ywv,
  - lub npe ntawm tus tub ceev xwm saib xyuas kev thaj yeeb uas muab kev pab cuam thiab
  - Tsis hais tus neeg yuav tso npe los sis tsis tso npe rau daim foos Daim Ntawv Ceeb Toom Txog Kev Ywv thiab Kev Txhob Txwm Txeeb Qhov Khoom los xij:
3. Thaum ua, txhua cov ntawv tshaj tawm uas cuam tshuam nrog qhov khoom uas ywv yuav ua kom tiav kom tsis pub dhau 24 teev tom qab kev ywv.